

DD19

U B671 DEB
MAHATHIR - BERNAMA
(I)

KUALA LUMPUR, 19 NOV. (BERNAMA) -- PERDANA MENTERI DATUK SERI DR. MAHATHIR MOHAMAD AKAN MENGENGKAJI RESOLUSI DAN CADANGAN YANG DIBUAT DI PERSIDANGAN KEDUA EDITOR ASEAN DI PULAU PINANG BARU-BARU INI.

PENGURUS BESAR BERNAMA ENCIK AHMAD MUSTAPHA HASSAN BERKATA DI SINI HARI INI, PERDANA MENTERI JUGA TELAH MEMBERI JAMINAN AKAN MENGENGKAJI CARA TERBAIK KERAJAAN DAPAT MEMBANTU MELAKSANAKAN RESOLUSI DAN CADANGAN-CADANGAN ITU.

ENCIK AHMAD MUSTAPHA YANG MENEMUI DATUK SERI DR. MAHATHIR PAGI INI UNTUK MENYERAHKAN SALINAN LAPORAN PERSIDANGAN ITU BERKATA, PERSIDANGAN ITU JUGA TELAH MENGAMBIL KEPUTUSAN SUPAYA BERNAMA, YANG MENGANJURKAN PERSIDANGAN ITU MENYAMPAIKAN KEPUTUSAN-KEPUTUSAN PERSIDANGAN ITU KEPADA KERAJAAN NEGARA-NEGARA ASEAN.

BERNAMA JUGA TELAH MEMBENTUK SEBUAH SEKRETARIAT UNTUK MEMASTIKAN KEPUTUSAN DAN CADANGAN ITU DILAKSANAKAN SEBELUM PERSIDANGAN AKAN DATANG DI INDONESIA DALAM TAHUN 1987.

PERTEMUAN DENGAN DATUK SERI DR. MAHATHIR IALAH YANG PERTAMA DALAM SIRI PERTEMUAN ENCIK AHMAD MUSTAPHA DENGAN KETUA-KETUA KERAJAAN DI RANTAU INI. -- LAGI.

MAHATHIR - BERNAMA 2 KUALA LUMPUR

ENCIK AHMAD MUSTAPHA BERKATA BELIAU JUGA MEMBERITAHU PERDANA MENTERI TENTANG SARANAN SUPAYA KERAJAAN MEMAHAMI KEPERLUAN PARA WARTAWAN DAN LEBIH MUDAH DIHUBUNGI BAGI MEWUJUDKAN ALIRAN BERITA YANG LEBIH BEBAS DAN SEIMBANG.

MENURUTNYA, DATUK SERI DR. MAHATHIR BERKATA KERAJAAN SENTIASA TERBUKA KEPADA PIHAK AKHBAR TETAPI BELIAU INGIN MELIHAT AKHBAR MEMAINKAN PERANAN YANG BERTANGGUNGJAWAB DAN MELAPORKAN BERITA MENGIKUT PERSPEKTIF YANG BETUL.

ENCIK AHMAD MUSTAPHA BERKATA BELIAU JUGA MENIMBULKAN BEBERAPA PERKARA DALAM PERBINCANGAN ITU TERMASUK SOAL TARIF PERHUBUNGAN KHAS UNTUK MEDIA.

BELIAU JUGA MENEGASKAN KEPADA PERDANA MENTERI BAHAWA PENCAPAIAN TAHAP SATU RANGKAIAN BERITA DUNIA YANG LEBIH ADIL DAN SEIMBANG BERGANTUNG KEPADA TARIF KHAS YANG MURAH UNTUK MENGHANTAR BERITA DAN MAKLUMAT.

KETIKA MENEMUI PERDANA MENTERI, ENCIK AHMAD MUSTAPHA DIIRINGI OLEH EDITOR TUGAS-TUGAS KHAS BERNAMA, ENCIK S.N. RAJAN YANG JUGA KETUA SEKRETARIAT PERSIDANGAN ITU. -- BERNAMA.

1419MST 19 11 85